

卷十七

書名 錦繡萬花谷續集四十卷 嘉靖十五年
序錫山秦汴鑄石書堂刊本後修
撰者 宋 闕名 撰
卷 卷十七
內容分類 子-類書-彙考-宋
索書號 大木-子部-類書類-31
編號 C5924800

[彩色書頁1](#)

[東洋文化研究所漢籍目錄 編號: C5924800](#)

[東洋文化研究所漢籍目錄所藏漢籍善本文影像資料庫 索書號: 大木-子部-類書類-31](#)

[漢籍善本文影像資料庫文本](#) 錦繡萬花谷續集四十卷 嘉靖十五年序錫山秦汴鑄石書堂刊本後修

版權所有: 東京大學 東洋文化研究所

[使用上の注意事項](#)

錦繡萬花谷續集卷之十八

類
表

後進領袖裴秀八歲能屬文時語曰後進領袖有裴秀

後爲司空 晉本傳

玉山人裴楷以清通用爲吏部郎時人稱見裴叔則

如近玉山映照人也 本傳

裴松之博覽墳籍立身簡素宋武帝克洛陽

松之行事武帝曰松之廊廟之才不宜久居邊務

裴駿魏太祖曰駿有當世才其忠義可嘉補
洗馬轉中書侍郎 南史

裴駿魏太祖曰駿有當世才其忠義可嘉補

崔浩目爲三河領袖宋使來聘以駿有才學



錦繡萬花谷續集卷之十七

類姓

胡

天下中庸胡廣察孝廉試爲天下第一尚書郎五遷尚書僕射爲太傅時年已八十繼母在堂朝夕瞻省諺曰萬事不理問伯始天下中庸有胡公在公台二十餘年出廣字伯始本傳

家世將門

胡奮性開朗有籌畧家世將門晚乃好學滅醜虜於河西制凶酋於硤北後加鎮軍大將軍晉書

舉進士第一

皇朝胡旦字周父舉進士第一通判昇州代還遷左拾遺出漕淮東徙知海州淳化中直集賢院復知制誥久之通判襄州尋以祕書監致仕

胡公塘胡宿舉進士召試爲館閣校勘改集賢校理通判宣州知湖州築石塘百里捍水患大興學校學者盛於東南自湖學始旣去而思之名其塘曰胡公塘而學者爲立生祠又爲兩浙轉運使召還修起居注知制誥入翰林

余

三使北戎余靖字安道舉進士遷祕書丞集賢校理范仲淹以言事忤意貶饒州諫官御史不敢言靖上疏論仲淹不當貶且言陛下親政以來屢遂言事者恐鉗天下口不可坐落職知秦州慶曆中除右正言方是時仁宗勵精政事增諫官員將外有所爲靖數言事合意遷知制誥三使北戎時相忌之出知吉州六年知虔州帥

潭移青州

吾

有卿相之骨吾粲生數歲城姬見謂其母曰是兒有卿相之骨吳志

蘇

二天蘇章字孺文爲冀州刺史故人爲清河太守行部接其姦賊乃請太守喜曰人皆有一天我獨有二天章曰今夕蘇孺文與故人飲者私恩也明日冀州刺史按事者公法也遂舉正其罪州境望風畏肅本傳

累世二千石

蘇綽累世二千石綽有王佐才對周文指

陳帝王之道周文不覺膝之前席曰綽真奇士即拜行臺左丞參典機密常以天下爲已任博求賢俊共弘正

道北史

十歲上書蘇文長十歲上書周武帝異其幼問讀何書

對治孝經論語帝曰何言可道答曰爲國者不敢侮於

鰥寡爲政以德帝曰善

唐本傳

文章擅天下

皇朝蘇洵屢舉進士賢良不中至和嘉祐

間與其二子軾轍至京師歐陽脩得洵書二十篇大愛其文辭以爲賈誼劉向不過也以其書獻諸朝名動京師而蘇氏文章遂擅天下一時學者皆尊其賢學其文以爲師法以其父子俱知名號爲老蘇

吳

隱若一敵國

吳漢爲人質厚少文造次不能以辭自達

光武曰吳公差強人意隱若敵國矣及在朝廷斤斤謹

質形於體貌勇鷙有智謀諸將鮮能及者拜大司馬封

廣平侯

本傳

白首一節

吳良恭儉安貧白首一節顯宗以爲議郎

儒雅標名

吳隱之博涉文史以儒雅標名弱冠而介立

有清操事母孝謹遷晉陵太守

後良吏傳

制舉入三等

皇朝吳育爲人明敏勁果強學博辯舉進

士甲科舉賢良方正策入三等前此未有也除著作郎集賢院慶曆五拜右諫議大夫樞密副使數月餘除叅知政事

符

談辭如雲

符融遊太學師事李膺每見融輒絕他賓客

聽其言論融幅巾舊褱談辭如雲膺每捧手嘆息

本傳

清談不及世務 皇朝符彥卿少事唐漢周封魏王宋興
遷太師爲御史所糾退居于洛八年間乘小車駟遍遊
佛寺名園人服其曠達對賓客清談終日不及世務

于

高門 于永嗣至御史大夫始于公其門閭壞父老方共
治之公謂曰少高大令容駟馬高蓋車我治獄多陰德
子孫必有興者至定國爲丞相永爲御史大夫封侯傳
世云 本傳

樂賢下士 于休烈機鑒融敏善文章第進士又擢制科
歷祕書省正字肅宗立兼修國史時經大盜後史籍燔
缺休烈奏獻史籍進官獻五代論詩著舊唐天子嘉之
雖歷清要不治產性恭儉仁愛樂賢推教士甚衆年老

嗜學不厭 唐本傳

舒

獻文闕下 舒元興大和五年獻文闕下不得報上書目
言所上八萬言其文鍛鍊精粹出入今古數千百年披
剔刮抉有可以輔教化豈主父可比哉 容軒隨筆

俞

少有高行 俞紫芝少有高行不娶得浮屠氏心法所至
條然而工於詩王荆公居鍾山秀老數相往來尤愛重
之每見於詩所謂公詩何以解人愁初日芙蓉映碧流
未怕元劉爭獨步不妨陶謝與同遊是也秀老嘗有夜
深童子喚不起猛虎一聲山月高之句尤爲荆公所賞
和云新詩比舊仍增峭若許追攀莫太高秀老卒於元

祐初惜時無發明者不得與林和靖一流槩見於隱逸
奚

世稱忠孝 奚斤代人也仕魏爲侍郎親近左右後爲左
丞相世稱忠孝每議政多見從用朝廷稱焉

少有將畧 奚眷少有將畧道武世有戰功爲武牢鎮將
爲寇所憚 並北史

賢士 奚陟少篤志通羣書大曆末擢進士文辭清麗科
授弘文館校書郎病癱帝遣醫療視勅曰陟賢臣爲我
善治之 唐本傳

嵇

龍章鳳姿 嵇康字叔夜其先姓奚避怨徙鉅家于嵇山
之側因而命氏龍章鳳姿天質自然與魏室婚拜中散

大夫彈琴詠詩自足於懷爲竹林七賢之遊吕安服康
高致每一相思命駕千里子紹 晉本傳

黎

孝行聞於世 黎景熙少以孝行聞於世好讀書強記默
識而無應對之能落魄不事生業有書千餘卷不以饑
寒易操後拜著作佐郎勤於所職著述不怠性尤專固
不合於一時一爲史官十年不調終儀同三司 北史

注

注君通 注丹字子玉傳孟氏易建武初爲大鴻臚作易
通論七篇世號注君通易家宗之稱爲大儒 後儒林傳

齊

王佐才 齊瀚少開敏年十四見李嶠嶠稱有王佐才中

宗在廬陵瀚上言請抑諸武迎太子東宮不報及太子還武后召瀚宴同明殿諭曰朕母子如初卿預有力焉方不次待爾及進士第以拔萃調蒲州司法叅軍景雲初姚崇取爲監察御史凡劾奏常先風教號善職開元初爲給事中中書舍人

唐本傳

歸

對策第一 歸宗敬治禮家學多識容典擢明經天寶中舉博通墳策科對策第一有詔舉才可宰百里者復策高等授左拾遺

倪

課第一 倪若水擢進士第遷監察御史黜陟劍南道繩舉嚴名課第一開元初爲汴州刺史政清淨增修孔子

廟興州縣學廬勸生徒身爲教化風化興行玄宗遣中人捕鵠鵲鵲瀟江南若水上言帝手詔褒答

唐本傳

雲陵集 皇朝倪濤博學能文有操履舉進士擢太常博士遷校書郎著作佐郎賜對除司勳員外郎遷左司朝廷議有事燕雲濤獨曰母輕議以貽後患宰相怒曰左司敢沮軍事耶罷監朝城縣酒稅再謫茶陵造船場有詩文號雲陵集

錦繡萬花谷續集卷之十七



